

四庫全書

集部

欽定四庫全書

集部

元氏長慶集卷

七至十

詳校官監察御史臣查瑩

檢討臣何思鈞覆勘

總校官知縣臣繆琪

校對官中書臣雷純

謄錄監生臣陳山琨

欽定四庫全書卷

元氏長慶集卷七

唐 元稹 撰

古體詩

遣春十首

曉月籠雲影鷺聲餘霧中暗芳飄露氣輕寒生柳風冉冉一趨府未為勞我躬因茲得晨起但覺情興隆

久雨憐霽景偶來隄上行空濛天色嫩香祿

弭沼切

江面

平百草短長出衆禽高下鳴春陽各有分子亦澹無情
鏡皎碧潭水微波粗成文烟光垂碧草瓊脈散纖雲岸
柳好陰影風裾遺垢氛悠然送春日八荒誰與羣

低迷籠樹烟明淨幕霞日陽焰波春空平湖漫凝溢雪
鷺遠近飛渚牙淺深出江流復浩蕩相為坐紆鬱

暄寒深淺春紅日前後花顏色詎相讓生成良有涯梅
芳勿自早菊秀勿自賒各將一時意終年無再華

高屋童稚少春來歸鶯多葺舊良易就新院亦已羅俯

憐雛化卵仰愧鵲無窠巢棟與巢幕秋風俱奈何

撩亂撲樹蜂摧殘戀房藥風吹雨又頻安得繁於綺酒
盃沈易過世事紛何已莫倚顏似花君看歲如水

繞郭高高冢半是荆王墓後嗣熾陽臺前賢甘華路善
惡徒自分波流盡東注胡然不飲酒坐落桐花樹

花陰莎草長藉莎閒自酌坐看鶯鬪枝輕花滿尊杓葛
巾竹梢掛書卷琴上閣沽酒過此生狂歌眼前樂

梨葉已成陰柳條紛起絮波綠紫屏風螺紅碧籌勗三

杯面上熱萬事心中去我意風散雲何勞問行處

表夏十首

夏風多暖暖樹木有繁陰新筍紫長短早櫻紅淺深
烟花雲幕重榴豔朝景侵華實各自好詎云芳意沈
初日滿階前輕風動簾影旬時得休浣高臥閱清景
僅兒拂巾箱鴟輶深林井心到物自閒何勞遠箕穎
江瘴炎夏早蒸騰信難度今宵好風月獨此荒庭趣
露葉傾暗光流星委餘素但恐清夜徂詎悲朝景暮

孟月夏猶淺奇雲未成峯度霞紅漠漠壓浪白溶溶玉

委有餘潤颺

卑遙切

馳無去蹤何如捧雲雨噴毒隨蛟龍

流芳遞炎景繁英盡寥落公署香滿庭晴霞覆欄藥栽
紅起高焰綴綠排新萼憑此遣幽懷非言念將謔

紅絲散芳樹旋轉光風急烟泛被籠香露濃妝面濕佳
人不在此悵望堦前立忽厭夏景長今春行已及

百古漸吞聲黃鸝正嬌小雲鴻方警夜籠雞已鳴曉當
時客自適運去誰能矯莫厭夏蟲多蜩蟬定相擾

翩翩簾外鷺戢戢巢內雛
咬食筋力盡毛衣成紫襦
朝來各飛去雄雌梁上呼
養子將備老惡兒那勝無

西山夏雪消江勢東南瀉
風波高若天豔潏低於馬
正被黃牛旋難期白帝下
我在平地行翻憂濟川者
靈均死波後是節常浴蘭
綠樓碧筠糴香秔白玉團
逝者良自苦今人反為歡
哀哉徇名士沒命求所難

解秋十首

清晨頽

呼對切

寒水動搖襟袖輕
翳翳林上葉不知秋暗

生迴悲鏡中髮華白三四莖豈無滿頭黑念此衰已萌
微霜纔結露翔鳩初變鷹無乃天地意使之行小懲鵠
鵠誠可惡蔽日有高鵬捨大以擒細我心終不能
往歲學仙侶各在無何鄉同時驚名者次第鵠驚行而
我兩不遂三十鬢添霜日暮江上立蟬鳴楓樹黃
後伏火猶在先秋蟬已多雲色日夜白驕陽能幾何壤
隙漏江海忽微成網羅勿言時不至但恐歲蹉跎

新月纔到地輕河如泛雲螢飛高下火樹影參差文露

簾有微潤清香時暗焚夜閒心寂默洞庭無垢氛

霽麗牀前影飄蕭簾外竹簾涼朝睡重夢覺茶香熟親烹園內葵憑買家家麴釀酒并毓蔬人來有碁局

寒竹秋雨重凌霄晚花落低徊翠玉梢散亂梔黃萼顏色有殊異風霜無好惡年年百草芳畢竟同蕭索

春非我獨春秋非我獨秋豈念百草死但念霜滿頭頭白古所同胡為坐煩憂茫茫百年內處身良未休

西風冷衾簾展轉布華茵來者承玉體去者流芳塵適

意醜為好及時疎亦親衰周仲尼出無乃為妖人
漠漠江面燒微微風樹烟今日復今夕秋懷方浩然況
我頭上髮衰白不待年我懷有時極此意何由詮

遣病十首

服藥備江瘴四年方一瘳豈是藥無功伊予久留滯滯
留人固薄瘴久藥難制去日良已甘歸途奈無際

棄置何所任鄭公憐我病三十九萬錢

歲入之大率

資予養

頑瞑身賤殺何益恩深報難罄公其千萬年世有天之

鄭

憶作孩稚初健羨成人列倦學厭日長嬉遊念佳節今
來漸諱年頓與前心別白日速如飛佳晨亦騷屑

昔在痛飲場憎人病辭醉病來身怕酒始悟他人意怕
酒豈不閒悲無少年氣傳語少年兒杯盤莫迴避

憶初頭始白晝夜驚一縷漸及鬢與鬚多來不能數壯

年等閒過過

上如字
下音戈

壯年已五華髮不再青勞生竟何

補

在家非不病有病心亦安起居甥姪扶藥餌兄嫂看今
病兄遠路道遙書信難寄言嬌小弟莫作官家官

驚巢官舍內我爾俱為客歲晚我獨留秋深爾安適風
高翅羽垂路遠烟波隔去去玉山人間網羅窄

簷宇夜來曠暗知秋已生臥悲衾簾冷病覺肢體輕炎
昏豈不勸時去聊自驚浩歎終一夕空堂天欲明

秋依靜處多況乃凌晨趣深竹蟬晝風翠茸衫曉露庭
莎病看長林果閒知數何以強健時公門日勞驚

朝結故鄉念暮作空堂寢夢別淚亦流啼痕暗橫枕昔
愁憑酒遣今病安能飲落盡秋槿花離人疾猶甚

寒

江瘴節候暖臘初梅已殘夜來北風至喜見今日寒扣
冰淺塘水擁雪深竹欄復此滿樽醪但嗟誰與歡

玉泉道中作

楚俗物候晚孟冬纔有霜早農半華實夕水含風涼遐
想雲外寺峯巒眇相望松門接官路泉脈連僧房微露

上弦月暗焚初夜香谷深烟塋淨山虛鐘磬長念此清境遠復憂塵事妨行行即前路勿滯分寸光

遣病

此後通
州時作

自古誰不死不復記其名今年京城內死者老少并獨

孤纔四十

秘書少
監郁

仕官方榮榮李三三十九

監察御
史顧言

登

朝有清聲趙昌八十餘三擁大將旌為生信異異之死同冥冥其家哭泣愛一一無異情其類嗟歎惜各各無重輕萬齡龜菌等一死天地平以此方我病我病何足

驚借如今日死亦足了一生借使到百年不知何所成
況我早師佛屋宅此身形捨彼復就此去留何所縈前
身為過跡來世即前程但念行不息豈憂無路行蛻骨
龍不死蛻皮蟬自鳴胡為神蛻體此道人不明持謝愛
朋友寄之仁弟兄吟此可達觀世言何足聽

感夢

夢故兵部裴
尚書相公

十月初二日我行蓬州西三十里有館有館名芳溪荒
郵屋舍壞新雨田地泥我病百日餘肌體顧若刳氣填

暮不食早早掩竇圭陰寒筋骨病夜久燈火低忽然寢
成夢宛見顏如珪似歎久離別嗟嗟復悽悽問我何病
痛又歎何栖栖荅云痰滯久與世復相睽重云痰小疾
良藥固宜擠前時奉橘丸攻疾有神功何不善和療豈

獨頭有風

予頃患痰頭風踰月不差裴公教服橘皮朴
硝丸數月而愈今夢中復徵前說故盡記往

復之詞

殷勤平生事款曲無不終悲歡兩相極以是半日

中言罷相與行行行古城裏同行復一人不識誰氏子
逡巡急吏來喚呼願且止馳至相君前再拜復再起啟

云吏有奉奉命傳所旨事有大驚忙非君不能理荅云
久就閒不願見勞使多謝致勤勤未敢相唯唯我因前
獻言此事愚可料亂熱由靜消理繁在知要君如冬月
陽奔走不必召君如銅鏡明萬物自可照願君許蒼生
勿復高體調相君不我言顧我再三笑行行及城戶黯
黯餘日輝相君不我言

一本握
我手

命我從此歸不省別時

語但省涕淋漓覺來身體汗坐臥心骨悲閃閃燈背壁
膠膠雞去埽倦童顛倒寢我淚縱橫垂淚垂啼不止不

止啼且聲啼聲覺僮僕僮僕撩亂驚問我何所苦問我
何所思我亦不能語慘慘即路岐前經新政縣今夕復
明辰寘寘滿心氣不得說向人奇哉趙明府怪我眉不
伸云有北來僧住此月與旬自言辨貴骨謂若識天真
談游費閱景何不與逡巡僧來為予語語及昔所知自
言有奇中裴相未相時讀書靈山寺住處接園籬指言
他日貴晷刻似不移我聞僧此語不覺淚歔歔去聲因言
前夕夢無人一相謂無乃裴相君念我胃中氣遣師及

此言使我盡前事僧云彼何親言下涕不已我云知我
深不幸先我死僧云裴相君如君恩有幾我云滔滔衆
好直者皆是唯我與白生感遇同所以官學不同時生
小異鄉里拔我塵土中使我名字美美名何足多深分
從此治吹噓莫我先頑陋不我鄙往往裴相門終年不
曾履相門多衆流多譽亦多毀如聞風過塵不動井中
水前時予掾荆公在期復起自從裴公無吾道甘已矣
白生道亦孤讒謗銷骨髓司馬九江城無人一言理為

師陳苦言揮涕滿十指未死終報恩師聽此男子

和東川李相公慈竹十二韻

次本韻

慈竹不外長密比青瑤華予攢有森束玉粒無蹉跎纖
粉妍膩質細瓊交翠柯亭亭霄漢近靄靄雨露多冰碧
寒夜聳簫韶風畫羅烟含朧朧影月泛鮮鮮波鸞鳳一
已顧燕雀永不過幽姿媚庭實顥氣爽天涯峻節高轉
露貞筠寒更佳託身仙壇上靈物神所呵時與天籟合
日聞陽春歌應憐孤生者摧折成病痾

元氏長慶集卷七

欽定四庫全書卷

元氏長慶集卷八

唐 元稹 撰

古體詩

酬東川李相公十六韻

并啟。此後至和樂天三首並次用本韻

稹啟今月十二日州吏迴伏受相公書示知小生所獻
和慈竹等詩闕達鑒覽不蒙罪退而又賜詩一十韻并
首序一百二十三言廢名位之常數比朋友以字之飾

揚涓埃投擲珠玉幸甚幸甚至於廟議末學江花陋詞
無不記在雅章以備光寵不勝惶駭驚慚之至昔楚人
始交必有乘車戴笠不忘相揖之誓誠以為貴富不相
忘之難也況貴賤之隔不啻於車笠之相懸而相公投
貺珍重又豈唯一揖之容易哉積獨何人享是嘉惠輒
復牽課拙劣酬獻所賜是猶百獸與鳳凰同舞於簫韶
之中各極其歡心耳又何暇自審其形容之不類哉慶
歲專人封用上獻死罪死罪謹啟

昔附赤霄羽，歲裝遊紫垣。
闕班香案上，奏語玉晨尊。
慙直撩忌諱，科儀懲傲頑。
自從真籍除，棄置勿復論。
前時共遊者，日夕黃金軒。
請帝下巫覡，八荒求我魂。
鸞鳳屢鳴顧，燕雀尚籬藩。
徒令霄漢外，往往塵念存。
存念豈虛設，併投瓊與璫。
彈珠古所訝，此用何太敦。
鄒律寒氣變，鄭琴祥景奔。
靈芝繞身出，左右光彩繁。
碾玉無俗色，藥珠非世言。
重慚前日句，陋若猶並蓀。
臘月巴地雨，瘴江愁浪翻。
因持駭雞寶，一照濁水昏。

酬獨孤二十六送歸通州

再拜捧兄贈拜兄珍重言我有平生志臨別將具論十
歲慕個儻愛白不愛昏寧愛寒切烈不愛暘溫暘二十
走獵騎三十游海門憎兔跳趯趯惡鵬黑翻翻黿釣氣
方壯鵬拳心頗尊下觀鬢

音鬢
音能
鬢
亂貌

輩一掃冀不存

名冠壯士籍功酬明主恩不然合

音閭

身棄何況身上痕

金石有銷爍肺腑無寒溫分畫久已定波濤何足煩嘗
希蘇門嘯詎厭巴樹猿瘴水徒浩浩浮雲亦軒軒長歌

莫長嘆飲斛莫飲樽生為醉鄉客死作達士魂

酬劉猛見送

種花有顏色異色即為妖養鳥惡羽翮翮不待高非
無剪傷者物性難自逃百足雖捷捷商羊亦翹翹伊余
狷然質謬入多士朝任氣有愎慙容身寡朋曹愚狂偶
似直靜僻非敢驕一為毫髮忤十載山川遙爍鐵不在
火割肌不在刀險心露山嶽流語翻波濤六尺安敢主
方寸由自調神劒土不蝕異布火不焦雖無二物姿庶

欲効一毫未能深感多謝相勞勞去去我移馬遲遲
君過橋雲勢正橫壑江流初滿槽江槽持此慰遠道此
之為舊交楚語

酬樂天赴江州路上見寄三首

昔在京城心今在吳楚末千山道路險萬里音塵闊天
上參與商地上胡與越終天升沈異滿地網羅設心有
無環腸有無繩結有結解不開有環尋不歇山嶽移
可盡江海塞可絕離恨若空虛窮年思不徹生莫強相

同相會相別

襄陽大隄繞我向隄前住燭隨花艷來騎送朝雲去萬
竿高廟竹三月徐亭樹我昔憶君時君今懷我處有身
有離別無地無歧路風塵同古今人世勞新故

人亦有相愛我爾殊衆人朝朝寧不食日日願見君一
日不得見愁腸坐氛氲如何遠相失各作萬里雲雲高
風苦多會合難遽因天上猶有礙何況地上身

郵竹

庭有蕭蕭竹門有闐闐騎囂靜本殊途因依偶同寄亭
亭下干雲嫋嫋亦垂地人有異我心我無異人意

落月

落月沈餘影陰渠流暗光蚊聲靄牕戶螢火繞屋梁飛
幌翠雲薄新荷清露香不吟復不寐竟夕池水傍

高荷

種藕百餘根高荷纔四葉颭閃碧雲扇團圓青玉疊亭
亭自擡舉鼎鼎難藏壓益涉切不學著水荃一生長怙怙

和裴校書鷺鷥飛

鷺鷥鷺鷥何遽飛
鷺鷥雀噪難久依
清江見底草堂在
一點白光終不歸

夜池

荷葉團圓莖削削
綠萍面上紅衣落
滿池明月思啼螳

高屋無人風張

去聲幕

酬楊司業十二兄
早秋述情見寄

今春與楊兄會於馮翊數

日而別。此詩同州作

金史卷八
卷八
白髮故人少相逢意彌遠往事共銷沈前期各衰晚昨
來遇彌苦已復雲離巘秋草古膠庠寒沙廢宮苑知心
豈忘鮑詠懷難和阮壯志日蕭條那能競朝憶

代杭民作使君一朝去二首

使君一朝去遺愛在民口惠化境內春才名天下首為
問龔黃輩兼能作詩否

使君一朝去斷腸如劉蕨無復見冰壺唯應鏤金石自
此一州民生男盡名白

長慶歷

年歷復年歷卷盡悲且惜歷日何足悲但悲年運易年
年豈無數此歎何唧唧所歎別此年永無長慶歷

挽歌傷悼詩

順宗至德大聖大安孝皇帝挽歌詞三首

左拾遺時

作

不改延洪祚因成揖讓朝謳歌同戴啟過密共思堯雨
露施恩廣梯航會葬遙號弓那獨切曾感昔年招

前春文祖廟大舜嗣堯登及此踰年感還因是月崩壽
緣追孝促業在繼明興儉詔同今古山川繞灞陵
七月悲風起淒涼萬國人羽儀經巷內輜輳轉城闌暝
色依陵早秋聲入輅新自嗟同草木不識永貞春

憲宗章武孝皇帝挽歌詞二首

膳部員外時作

國付重離後身隨十聖仙北辰移帝座西日到虞泉方
大言虛設華胥事眇然觸鱗曾在宥偏哭墮髯前

天寶遺餘事元和盛聖功二凶梟帳下三叛斬都中

楊惠

琳李師道傳首京師劉闢
李錡吳元濟腰斬都市

始服沙陀虜方吞邏沙

蘇个切

戎

沙陀突厥自元和初始通中國

狼星如要射猶有鼎湖弓

月落禁垣西星攢曉仗齊風傳宮漏苦雲拂羽儀低路
隘車千兩橋聲馬萬蹄共嗟封石檢不為報功泥

恭王故太妃挽歌詞二首

校書郎時作

燕姑

極乙切

貽天夢梁王盡孝思雖從魏詔葬得用漢藩

儀曙月殘光斂寒簫度曲遲平生奉恩地哀挽欲何之
丈衛羅新塋仙娥掩暝山雪雲埋隴合簫鼓望城還寒

樹風難靜霜郊夜更閒哀榮深孝嗣儀表在河間

哭呂衡州六首

氣敵三人傑交深一紙書我投冰瑩眼君報水憐魚髀
股惟夸瘦膏肓豈暇除傷心死諸葛憂道不憂餘

望有經綸釣虔收宰相刀江文駕風遠雲貌接天高國
待球琳毘家藏虎豹韜盡將千載寶埋入五原蒿

白馬雙旌隊青山八陣圖請纓期繫虜枕草誓捐軀勢
激三千壯年應四十無遙聞不瞑目非是不憐吳

鵬鶚生難敵沈檀死更香
兒童喧巷市羸老哭碑堂
雁起沙汀閣雲連海氣黃
祝融峯上月幾照北人喪

迴雁峯前雁春迴盡卻迴
聯行四人去同葬一人來
饒吹臨江返城池隔霧開
滿船深夜哭風棹楚猿哀

杜預春秋癖揚雄著述精
在時兼不語終古定歸名
未水波文細湘江竹葉輕
平生思風月潛寐若為情

僧如展及韋載同遊碧澗寺賦詩予落句云他
生莫忘靈山座滿壁人名後會稀展共吟他生

之句因話釋氏緣會所以莫不悽然久之不十日而展公長逝驚悼返覆則他生豈有兆耶其間展公仍賦黃字五十韻飛札相示予方屬和未畢自此不復撰成徒以四韻為識

重吟前日他生句豈料踰旬便隔生會擬一來身塔下無因共繞寺廊行紫毫飛札看猶濕黃字新詩和未成縱使得如羊叔子不聞兼記舊交情

公安縣遠安寺水亭見展公題壁漂然淚流因

書四韻

碧澗去年會與師三兩人今來見題壁師已是前身芟
葉迎僧夏楊花度俗春空將數行淚灑遍塔中塵

寒食日毛空路示姪晦及從簡

我昔孩提從我兄我今衰白爾初成分明寄取原頭路
百世長須此路行

別孫村老人

年年漸覺老人稀欲別孫翁淚滿衣未死不知何處去

此身終向北原歸

和樂天劉家花

閒坊靜曲同消日
淚草傷花不為春
遍問舊交零落盡
十人纔有兩三人

衰城驛二首

容州詩句在衰城
幾度經過眼暫明
今日重看滿衫淚
可憐名字已前生

憶昔萬株梨映竹
遇逢黃令醉殘春
梨枯竹盡黃令死

今日再來衰病身

和樂天夢亡友劉太白同遊二首

君詩昨日到通州萬里知君一夢劉
閒坐思量小來事祇應元是夢中遊

老來東郡復西州行處生塵為喪劉
縱使劉君魂魄在也應至死不同遊

酬樂天見憶兼傷仲遠

死別重泉閔生離萬里賒瘴侵新病
骨夢到故人家遙

淚陳根草閒收落地花庾公樓悵望巴子國生涯河任
天然曲江隨峽勢斜與君皆直慙須分老泥沙

與樂天同葬杓直

元伯來相葬山濤誓撫孤不知他日事兼得似君無

元氏長慶集卷八

欽定四庫全書卷

元氏長慶集卷九

唐 元稹 撰

傷悼詩

夜閨

此後並悼亡

感極都無夢，魂銷轉易驚。
風簾半鈎落，秋月滿牀明。
悵望臨階坐，沈吟遶樹行。
孤琴在幽匣，時迸斷絃聲。

感小株夜合

纖幹未盈把高條纔過眉不禁風苦動偏受露先萎不
分秋同盡深嗟小便衰傷心落殘葉猶識合昏期

醉醒

積善坊中前度飲謝家諸婢笑扶行今宵還似當時醉
半夜覺來聞哭聲

追昔遊

謝傳堂前音樂和狗兒吹笛膽娘歌花園欲盛千場飲
水閣初成百度過醉摘櫻桃投小玉嬾梳叢鬢舞曹婆

再來門館唯相弔風落秋池紅葉多

空屋題

十月十四日夜

朝從空屋裏騎馬入空臺盡日推閤事還歸空屋來月
明穿暗隙燈燼落殘灰更想咸陽道魂車昨夜回

初寒夜寄盧子蒙子蒙近亦喪妻

月是陰秋鏡寒為寂寞資輕寒酒醒後斜月枕前時倚
壁思閒事回燈檢舊詩聞君亦同病終夜遠相悲

城外回謝子蒙見諭

十里撫柩別一身騎馬回寒烟半堂影燼火滿庭灰稚
女憑人問病夫空自哀潘安寄新詠仍是夜深來

諭子蒙

撫稚君休感無兒我不傷片雲離岫遠雙鷺念巢忙大
壑誰非水華星各自光但令長有酒何必謝家莊

遣悲懷三首

謝公最小偏憐女自嫁黔婁百事乖顧我無衣搜草名盡

篋泥他沽酒拔金釵野蔬充膳甘長藿落葉添薪仰古

槐今日俸錢過十萬與君營奠復營齋

昔日戲言身後意今朝皆到眼前來衣裳已施行看盡
針線猶存未忍開尚想舊情憐婢僕也曾因夢送錢財
誠知此恨人人有貧賤夫妻百事哀

閒坐悲君亦自悲百年都是幾多時
鄧攸無子尋知命潘岳悼亡猶費詞
同穴窅冥何所望他生緣會更難期
唯將終夜長開眼報答平生未展眉

旅眠

內外都無隔帷幙不復張夜眠兼客坐同在火爐牀

除夜

憶昔歲除夜見君花燭前
今宵祝文上重疊敘新年
閑處低聲哭空堂背月眠
傷心小兒女撩亂火堆邊

感夢

行吟坐歎知何極影絕魂銷動隔年
今夜商山館中夢分明同在後堂前

合衣寢

良夕背燈坐方成合衣寢酒醉夜未闌幾回顛倒枕

竹簾

竹簾襯重茵未忍都令卷憶昨初來日看君自施展

聽庾及之彈烏夜啼引

君彈烏夜啼我傳樂府解

去聲

古題良人在獄妻在閨官

家欲赦烏報妻烏前再拜淚如雨烏作哀聲妻暗語後
人寫出烏啼引吳調哀絃聲楚楚四五年前作拾遺諫
書不密丞相知謫官詔下吏驅遣身作囚拘妻在遠歸

來相見淚如珠唯說閒宵長拜烏君來到舍是烏力妝
點烏盤邀女巫今君為我千萬彈烏啼啄啄淚瀾瀾感
君此曲有深意昨日烏啼桐葉墜當時為我賽烏人死
葬咸陽原上地

夢井

夢上高高原上有深井登高意枯渴願見深泉冷徘徊
遠井顧自照泉中影沈浮落井瓶井上無懸綆念此
瓶欲沈荒忙為求請遍入原上村村空犬仍猛還來遶

井哭哭聲通復哽哽噎夢忽驚覺來房舍靜燈焰碧朧
朧淚光凝罔罔鐘聲夜方半坐臥心難整忽憶咸陽原
荒田萬餘頃土厚壙亦深埋魂在深埂埂深安可越魂
通有時逞今宵泉下人化作瓶相憬感此涕汎瀾汎瀾
涕霑領所傷覺夢間便覺死生境豈無同穴期生期諒
綿永又恐前後覓安能兩知省尋環意無極坐見天將
明吟此夢井詩春朝好光景

江陵夢三首

平生每相夢不省兩相知況乃幽明隔夢魂徒爾為情
知夢無益非夢見何期今夕亦何夕夢君相見時依稀
舊妝服暗淡昔容儀不道間生死但言將別離分張碎
針線音輒疊故幘幘撫稚再三囑淚珠千萬垂囑云唯

此女自歎總無兒尚念嬌且駭未禁寒與饑君復不喜
事奉身猶脫遺況有官縛束安能長顧私他人生間別
婢僕多謾欺君在或有託出門當付誰言罷泣幽噎我
亦涕淋漓驚悲忽然寤坐臥若狂癡月影半牀黑蟲聲

幽草移魂魄生次第覺夢久自疑寂默深想像淚下如
流澌百年永已訣一夢何太悲悲君所嬌女棄置不我
隨長安遠於日山川雲間去聲之縱我生羽翼網羅生縶
維今宵淚零落半為生別滋感君下泉魄動我臨川思
一水不可越黃泉況無涯音宜此懷何由極此夢何由追
坐見天欲曙江風吟樹枝

古原三丈穴深葬一枝瓊崩剝山門壞烟綿墳草生久
依荒隴坐卻望遠村行驚覺滿牀月風波江上聲

君骨久為土我心長似灰百年何處盡三夜夢中來
逝水良已矣行雲安在哉坐看朝日出衆鳥雙徘徊

張舊蚊幃

踰年間生死千里曠南北家居無見期況乃異鄉國破
盡裁縫衣忘收遺翰墨獨有纈紗幃憑人遠攜得施張
合歡榻展卷雙鴛翼已矣長空虛依然舊顏色徘徊將
就寢徙倚情何極昔透香田田今無魂惻惻隙穿斜月
照燈背空牀黑達理強開懷夢啼還過臆平生貧寡歡

天枉勞苦憶我亦詎幾時胡為自摧逼燭蛾焰中舞蠶
蠶叢上織焦爛各自求他人顧何力多離因苟合惡影
當務息往事勿復言將來幸前識

獨夜傷懷贈呈張侍御

張生近喪妻

燼火孤星滅殘燈寸焰明竹風吹面冷簷雪墜階聲寡
鶴連天叫寒雛徹夜驚秋應張侍御潛會我心情

六年春遣懷八首

傷禽我是籠中鶴沈劒君為泉下龍重續猶存孤枕在

春衫無復舊裁縫

檢得舊書三四紙高低闊狹粗成行自言併食尋高事
唯念山深驛路長

公無渡河

樂府題

音響絕已隔前春復去秋今日閉牕拂

塵土殘絃猶迸細箏篴

婢僕矐君餘服用嬌癡稚女遶牀行玉梳鈿朶香膠解
盡日風吹璫瑁箏

伴客銷愁長日飲偶然乘興便醺醺怪來醒後傍人泣

醉裏時時錯問君

我隨楚澤波中梗
君作咸陽泉下泥
百事無心值寒食
身將稚女帳前啼

童稚癡狂撩亂走
繡毬花
仗滿堂前病身一
到總帷下
還向臨階背日眠

小於潘岳頭先白
學取莊周淚莫多
止竟悲君須自省
川流前後各風波

荅友封見贈

荀令香銷潘簾空悼亡詩滿舊屏風扶牀小女君先識
應為此些些似外翁

夢成之

燭暗船風獨夢驚夢君頻問向南行覺來不語到明坐
一夜洞庭湖水聲

哭小女降真

雨點輕漚風復驚偶來何事去何情浮生未到無生地
暫到人間又一生

哭女樊

秋天淨綠月分明何事巴猿不賸

音孕 贈也

鳴應是一聲腸

斷去不容啼到第三聲

哭女樊四十韻

號州長史時作

逝者何由見中人未達情馬無生角望猿有斷腸鳴去
伴投遐徼來隨夢險程四年巴養育萬里硤回縈病是
他鄉染魂應遠處驚山魑邪亂逼沙虱毒潛嬰母約看
寧辨余慵療不精欲尋方次第俄值疾充盈燈火徒相

守香花祗浪擎蓮初開月梵聲已落朝榮魄散魂將盡
形金玉尚瑩空垂兩行血深送一枝瓊秘祝休巫覡安
眠放使令舊衣和篋施殘藥滿甌傾乳媪閒於社醫僧
媿音倪似醒憫渠身覺賸訝佛力難爭騎竹癡猶子牽車

小外甥等閒迷過影遙戲誤啼聲浣紙傷餘畫扶牀念
試行獨留呵面鏡誰弄倚牆箒憶昨工言語憐初妙長
成撩風妒鵲古凌露觸蘭英翠鳳輿真女紅蕖捧化生
祗憂嫌五濁終恐向三清宿惡諸葷味懸知衆物名

而生

不食葷血虎豹豺狼等皮毛盡惡斥之已
南所無之物及北而默識其名者數輩
環從枯樹得

經認寶函盛愠怒偏憎數分張雅愛平最憐貪栗妹頻
救嬾書兄為占嬌饒分良多眷戀誠別常回面泣歸定

出門迎解怪還家晚長將遠信呈說人偷罪過要我抱

縱橫騰蹋遊江舫攀緣看樂棚和蠻歌字拗乙教反學妓

舞腰輕迢遰離荒服持攜到近京未容誇伎倆唯恨枉

聰明往緒心千結新絲鬢百莖暗牕風報曉秋幌雨聞

更敗槿蕭疎館衰楊破壞城此中臨老淚仍自哭孩嬰

哭子十首

翰林學士時作

維鵜受刺因吾過得馬生災念爾冤獨在中庭倚閨樹
亂蟬嘶噪欲黃昏

纔能辨別東西位未解分明管帶身自食自眠猶未得
九重泉路託何人

爾母溺情連夜哭我身因事有時悲鍾聲欲絕東方動
便是尋常上學時

蓮花上品生真界兜率天中離世途彼此業緣多障礙

不知還得見兒無

節量

音良

梨栗愁生疾教示詩書望早成鞭朴校多憐校

少又緣遺恨哭三聲

深嗟爾更無兄弟自歎予應絕子孫寂寞講堂基址在
何人車馬入高門

往年鬢已同潘岳垂老年教

平聲

作鄧攸煩惱數中除一

事自茲無復子孫憂

長年苦境知何限豈得因兒獨喪明消遣又來緣爾母

夜深和淚有經聲

烏生八子今無七猿叫三聲月正孤寂寞空堂天欲曙
拂簾雙鷺引新雛

頻頻子落長江水夜夜巢邊舊處棲若是愁腸終不斷
一年添得一聲啼

感逝

浙東

頭白夫妻分

去聲

無子誰令蘭夢感衰翁三聲啼婦臥牀

上一寸斷腸埋土中蛸甲暗枯秋葉墜鷺雛新去夜巢

空情知此恨人皆有應與暮年心不同

妻滿月日相唁

十月辛勤一月悲今朝相見淚淋漓狂花落盡莫惆悵
猶勝因花壓折枝

元氏長慶集卷九

欽定四庫全書卷

元氏長慶集卷十

唐 元稹 撰

律詩

代曲江老人百韻

年十六時作

何事花前泣
曾逢舊日春
先皇初在鎬
賤子正游秦
撥亂干戈後
經文禮樂辰
徽章懸象魏
貔虎畫麒麟
光武休言戰
唐堯念睦姻
琳琅銷柱礎
萑萑茂河漘
尚齒惇

耆艾搜材拔積薪裴王持藻鏡姚宋幹陶鈞內史稱張
敞蒼生借冠帽名卿唯講德命士恥憂貧杞梓無遺用

芻蕘不忘

去聲

詢懸金收逸驥鼓瑟薦嘉賓羽翼皆隨鳳

瑜璉肯稱

去聲

珉班行容濟濟文質道彬彬百度依皇極

千門闢紫宸理刑非苟簡稽古蹈因循書謬偏求伏詩

亡遠聽申繼登三虎賁羣擢八龍荀海外恩方洽寰中

教不泯儒林一同異冠履盡清淳天淨三光麗時和四

序均卑官休力役賤職少艱辛蠻貊同車軌鄉原盡里

仁帝途高蕩蕩風俗厚淳淳秋日耕耘足豐年雨露頻

戍烟生不見村豎老猶純耒耜勤千畝牲牢奉六禋南

郊禮天地東野闢原畇

音旬

校獵求初吉先農卜上寅萬

方來合雜五色瑞輪囷池籞呈朱雁壇場得白麟酌金

光照耀奠璧綵璘玢

音賓

掉蕩雲門發蹕蹕鷺羽振集靈

撞玉磬和鼓奏金鐔建簾崇牙盛銜鐘獸目噉總干形

屹崱戛敵背嶙峋文物千官會夷音九部陳魚龍華外

戲歌舞洛中嬪佳節修酺禮非時宴侍臣梨園明月夜

花萼豔陽晨李杜詩篇敵蘇張筆力勻樂章輕鮑照碑

板笑顏竣泰嶽陪封禪汾陰頌鬼神星移逐西顧風暖

助東巡浴德留湯谷蒐田過渭濱沸天雷殷殷

於謹切

匝

地轂轡沃土心逾熾豪家禮漸湮老農羞荷鍤貪賈

學垂紳曲藝爭工巧彫機變組紉

音循說文圓采條雜記紉以五采

青

鳧

音扶

連不解紅粟朽相因山澤長孳貨梯航競獻珍翠

毛開越雋

音髓

龍眼敞甌閩玉饌新然蠟椒房燭用銀銅

山供橫賜金屋貯宜嘖班女恩移趙思王賦感甄輝光

隨顏步生死屬搖屑世族功勲久王姬寵愛親街衢連

甲第冠蓋擁朱輪大道垂珠箔當爐踏錦茵軒車隘南

陌鐘磬滿西隣出入張公子嬌奢石季倫雞塲潛介羽

馬埒並揚塵韜袖誇狐腋弓弦尚鹿脯音寅夾脊肉紫條牽

白犬錦韉馬鞍具覆花駙箭倒南山虎鷹擒東郭兔音逡翻

身迎過雁坐射取迴鶉竟蓄朱公產爭藏邴氏緡橋桃

矜馬驚倚頓數金銀疏鬪冬中韭羹憐遠處尊音仁萬錢

纔下筯五醅才細切未稱醇曲水流觴日倡優醉度旬探

九依郭解投轄伴陳遵共謂長安泰那知遽構屯奸

心興桀黠凶醜比頑嚚斗柄侵妖彗天泉化逆鱗貸恩

歎乃祖連禍及吾民

音

輶

音雨獸名

出南海外輶文龍爪食人迅走

當前

路鯨鯢得要津王師方業業暴卒已瞽瞍

說文兩虎爭

聲語巾切

番部同謀夏宗周暫去幽陵園深暮景霜露下秋旻鳳

闕悲巢鵬鵠行亂野麇

苦隕切

華林荒茂草寒竹碎貞筠

村落空垣壞城隍舊井堙破船沈古渡戰鬼聚陰燐振

臂誰相應攢眉獨不伸毀容懷赤紱混跡戴黃巾木梗

隨波蕩桃源數隱淪弟兄書信斷鷗鷺往來馴忽遇山
光澈遙瞻海氣真秘圖推廢主後聖合經綸野杏渾休
植幽蘭不復紉但驚心憤憤誰戀水粼粼盡室離深洞
輕橈盪小輪殷勤題白石悵望出青蘋夢寐平生在經
過處所新阮郎迷里巷遼鶴記城闌音因虛過休明代旋
為朽病身勞生常矻矻語舊苦諄諄晚歲多衰柳先秋
媿大椿眼前年少客無復昔時人

開元觀閒居酬吳士矩侍御三十韻

十八時作

靜習狂心盡幽居道氣添神編啟黃簡秘籙捧朱籤爛

熳烟霞駐優游歲序淹登壇擁旄節趨殿禮胡髯

殿有玄宗

皇帝真容醮起彤庭燭香開白玉匳

音簾盛香
器俗作奩

結盟金劒重

斬魅寶刀鉅禹步星綱動焚符竈鬼詹

方言至也
又與瞻同

冥搜

呼直使章奏役飛廉仙籍聊憑檢浮名復為占赤誠祈

皓鶴綠髮代青縑虛室常懷素玄關屢引枯

音斟

貂蟬徒

自寵鷗鷺不相嫌始悟身為患唯欣祿未恬龜龍戀澁

海雞犬傍閭閻松笠新偏翠山峯遠更尖簫聲吟茂竹

虹影逗虛簷初日先通牖輕颺每透簾露盤朝滴滴鉤
月夜纖纖已得餐霞味應嗤食蓼甜上琴閒度晝耽酒
醉銷炎几案隨宜設詩書逐便拈灌園多抱甕刈藿乍
腰鎌野鳥終難繫鷦鷯本易厭平聲風高雲遠逝波駭鯉
深潛邴第過音戈從隔蓬壺夢寐瞻所希顏頗練誰恨突
無黔思拙慙圭璧詞煩雜米鹽諭雖言太小求藥意何
謙語默君休問行藏我詎兼來詩有問行藏求藥物之句狂歌終此
曲情盡口長箱

病減逢春期白二十二辛大不至十韻

校書郎時作

病與窮陰退春從血氣生寒膚漸舒展陽脈乍虛盈就
日臨階坐扶牀履地行問人知面瘦祝烏願身輕風暖
牽詩興時新變賣聲饑饉看藥忌閒悶點書名舊雪依
深竹微和動早萌推遷悲往事疎數入聲辯交情琴待嵇
中散杯思阮步兵世間除卻病何者不營營

黃明府詩

并序

小年曾於解縣連月飲酒予常為觥錄士曾於賓少府

廳中有一人後至頻犯語令連飛十二觥不勝其困逃
席而去醒後問人前虞鄉黃丞也此後絕不復知元和
四年三月予奉使東川十六日至褒城東數里遙望驛
亭前有城池樓榭甚盛逡巡有黃明府見迎瞻其形容
髣髴似識問其前銜則固曩時之逃席黃丞也說向前
事黃生憫然而寤因饋酒一槽艤舟請予同載予不免
其意與之盡歡徧問座隅山川則曰又褒次其右感今
懷古作黃明府詩云

少年曾痛飲黃令困飛觥席上當時走馬前今日迎依
稀迷姓氏積漸識平生故友身皆遠他鄉眼暫明便邀
連榻坐兼共摘音的船行酒思臨風亂霜稜掃地平不堪
深淺酌貪愴古今情選迤七盤路坡陀數丈城花疑衰
女笑棧想武侯征一種埋幽石老閉千載名

酬翰林白學士代書一百韻

并序。此後
江陵時作

玄元氏之下元日會予家居至枉樂天代書詩一百韻
鴻洞卓犖令人興起心情且置別書美予前和七章章

次用本韻韻同意殊謂為工巧前古韻耳不足難之今復次排百韻以荅懷思之貺云

昔歲俱充賦同年遇有司八人稱迥拔兩郡濫相知同年

八人樂天拔萃登科予平判入等

逸驥初翻步羈鷹暫脫羈遠途憂地

窄高視覺天卑並入紅蘭署偏親白玉規近朱憐冉冉

伐木願惇惇魚魯非難識鉛黃自懶持心輕馬融帳謀

奪子房帷秀發幽巖雷清澄溢岸陂九霄排直上萬里

整前期勇贈棲鸞句慚當古井詩

予贈樂天詩云皎彼鸞鳳姿樂天贈予詩

云無波
古井水

多聞全受益擇善頗相師脫俗殊常調潛工大

有為還醇憑酎酒運智託圍碁情會招車角閒行覓戴

逵僧餐月燈閣釀宴劫灰池

予與樂天杓直拒非輩多
于月燈閣閒遊又嘗與秘

省同官釀
宴昆明池

勝槩爭先到篇章競出奇輸贏論

平

破的點

竄肯容絲山岫當街翠墻花拂面枝

昔予賦詩云為見
牆頭拂面花時唯

樂天
知此

鸞聲愛嬌小鸞翼翫逶迤轡為逢車緩鞭緣趁伴

施密攜長上樂偷宿靜坊姬僻性慵朝起新晴助晚嬉

相歡常滿目別處鮮開眉翰墨題名盡光陰聽話移

樂天

每與于游從無不書名屋壁又嘗於新昌宅說一枝花話自寅至巳猶未畢詞也

綠袍因醉典

烏帽逆風遺暗插輕籌箸仍提小屈卮

予有席箕草籌筋小盞酒胡之

輩當時當在書囊以供飲備

本絃纔一舉下口已三遲逃席衝門出

歸倡借

去聲

馬騎狂歌繁節亂醉舞半衫垂散漫紛長薄

邀遮守隘岐幾遭朝士笑兼任巷童隨苟務形骸達渾

將性命推何曾愛官序不省計家資忽悟成虛擲翻然

歎未宜使回耽樂事堅赴策賢時寢食都忘倦園廬遂

絕闕勞神甘感感攻短過孜孜葉怯穿楊箭囊藏透穎

雖超遙望雲雨擺落占泉坻略削荒涼苑搜求激直詞

那能作牛後更擬助洪基

舊說制策皆以惡訐取容為美予與樂天指病危言不顧

成敗意在決求高等初就業時今裴相公戒予慎勿以策苑為美予深佩其言然而怪其多大擬取有可取遂切求潛覽功及累月無所獲先是穆員盧景亮同年應制俱以詞直見黜予求獲其策皆手自寫之置在篋篋樂天損之輩常誚予篋中有不第之祥而又哂予決求高第之僭也唱第聽雞集趨朝忘

馬疲內人興御案朝景麗神旗首被呼名姓多慙冠等

衰千官容眷盼五色照離披鵷侶從茲洽鷗情轉自縻

分張殊品命中外却驅馳出入稱金籍東西侍碧墀鬬

班雲洶湧開扇雉參差切愧尋常質親瞻咫尺姿日輪
光照耀龍服瑞歲蕤誓欲通愚謬生憎效喔咿佞存真
妾婦諫死是男兒便殿承偏召權臣懼撓私廟堂雖稷
契城社有狐狸似錦言應巧如弦數易欺敢嗟身暫黜
所恨政無毗

予元和元年任拾遺八十三日
廷英對九月十三貶授河南尉

謬辱良由

此昇騰亦在斯再令陪憲禁依舊履阽危使蜀常絲遠
分臺更嶮巖匿姦勞發掘破黨惡持疑斧刃迎皆碎盤
牙老未萎乍能還帝笏忍折

音

吾支虎尾元來險圭

文却類疵浮榮齊壤芥閒氣詠江籬闕下殷勤拜樽前

嘯傲辭飄沈委蓬梗忠信敵蠻夷戲誚青雲驛譏題皓

髮祠

予遂中作青雲驛詩病其雲泥一
致作四皓廟詩譏其出處不常

貪過谷隱寺留

讀峴山碑

寺在亭側

草沒章臺隄隄橫楚澤湄野蓮侵稻隴

亞柳壓城陴遇物傷凋換登樓思漫漶金攢嫩橙子瑩

泛遠鷓鴣仰竹藤纏屋苦茆荻補籬

南人以大竹為瓦用荻為籬也

梨通蒂朽火米帶芒炊

麪梨軟爛無味
火米粗糲不精

葦筍鉞筒束鯁

魚箭羽髻芋羹真底可鱸膾漫勞思北渚銷魂望南風

著骨吹度梅衣色漬食稗馬蹄羸

南方衣服經夏謂之度梅顏色盡點馬食

菰蔣蓋北地稗稗之屬

院權和泥驗官酤小麴醕訛音煩繳繞輕

去聲俗醜威儀樹罕貞心柏畦豐衛足葵坳窪饒虺矮游

情壓庸緇病賽烏稱鬼巫占瓦代龜

南人染病競賽烏鬼楚巫列肆悉賣

卜連陰蠅張王瘡瘡雪治醫

雨中井作蛙池終冬往往無雪

我正窮於

是君寧念及茲一篇從日下雙鯉送天涯坐捧迷前席

行吟忘結綦匡床鋪錯繡几案踴靈芝形影同初合參


商喻此離扇因秋棄置鏡異月盈虧壯志誠難奪良辰

豈復追甯牛終夜永潘鬢去年衰

予今年始三十二
去歲已生白髮

溟

渤深那測穹蒼意在誰馭方輕駮褭車肯重辛夷卧轍
希濡沫低顏受頤頤世情焉足怪自省固堪悲溷鼠虛
求潔籠禽方訝飢猶勝憶黃犬幸得早圖之



元氏長慶集卷十

欽定四庫全書

集部

元氏長慶集卷十一至五

詳校官監察御史臣查瑩

檢討臣何思鈞覆勘

總校官知縣臣繆琪

校對官中書臣雷純

謄錄監生臣莫與儔

欽定四庫全書

元氏長慶集卷十一

唐 元稹 撰

律詩

紀懷贈李六戶曹崔二十功曹五十韻

昔冠諸生首，初因三道徵。
公卿碧雞會，名姓白麻稱。
日月光遙射，烟霄志漸弘。
榮班張錦繡，諫路賜牋藤。
便欲呈肝膽，何言犯股肱。
為在拾遺遇事輒舉
推埋衝斗劍，清澈瑩

音詠

金史卷之八
壺冰赤縣纔分務

當事者惡公出為河南尉

青驄已迴乘

謂拜御史

因騎

度海鵲擬殺蔽天鵬縛虎聲空壯連鰲力未勝風翻波

竟感山壓勢逾崩

公按獄東川劾節度使嚴礪礪黨怒俄分司東都又劾治河南尹房式詔

召公

還 僂辱徒相困蒼黃性不能酣歌離峴頂負氣入江

陵

為中人仇士良擊敗面貶江陵士曹

華表當蟾魄高樓挂玉繩角聲悲

掉蕩城影暗棲層軍幕威容盛官曹禮數兢心雖出雲

鶴身尚觸籠鷹竦足良甘分排衙苦未曾通名參將校

抵掌見親朋煦沫求涓滴滄波怯斗升荒居隣鬼魅羸

馬步琬

音陵欲

擊死狀

白草堂簷短黃梅雨氣蒸霑黏經

汗席颭閃盡油燈夜怯餐膚蚋朝煩拂面蠅過從愁厭

賤專靜畏猜仍旅寓誰堪託官聯自可憑甲科崔並驚

柱史李齊昇共展排空翼俱遭激遠矧他鄉元易感同

病轉相矜投分多然諾忘言少愛憎誓將探肺腑耻更

辨淄澠會宿形骸遠論交意氣增一心吞渤澥戮力拔

嵩恒語到磨圭角疑消破弩癥

音微

吹噓期指掌患難許

擔簦

笠有柄者

鍛翮棲棘藏鋒箭在弮雪中方覩桂木上

莫施罾且泛黃公水魚過被病僧有時鞭款段盡日醉

儂

音他登切

躡屐看秧稻敲船和採菱叉魚江火合喚

客谷神應

平聲

嘯傲雖開口幽憂復滿膺望雲鰭撥刺透

匣色騰凌每想潢池寇猶稽赤族懲變龍勞算畫貌虎

帶威稜逐鳥忠潛奮懸旌意遠凝弋思徹札絆驥悶

牽絙運覽調辛苦聞雞屢寢興閒隨人兀兀夢聽鼓鑿

鑿

他勝反

班筆行看擲黃陂莫漫澄騏驎高閣上須及壯

時登

答姨兄胡靈之見寄五十韻

并序

九歲解賦詩飲酒至斗餘乃醉時方依倚舅族

公舅族
榮陽鄭

氏舅憐不以禮數檢故得與姨兄胡靈之之輩十數人

為晝夜遊日月跳擲於今餘二十年矣其間悲歡合散
可勝道哉昨枉是篇感徹肌骨適白翰林又以百韻見
贈余因次酬本韻以答貫珠之贈焉於吾兄不敢變例
復自城至生凡次五十一字靈之本題兼呈李六侍御
是以篇末有云

憶昔鳳翔城韶年是事榮理家煩伯舅相宅盡茲引反吾

兄詩律蒙親授朋游忝自迎題頭筠管縵教射角弓驛

靈之善筆札習騎射矮馬馳鬣簪音犛牛獸面纓對談依赳赳上聲

送客步盈盈米椀諸賢讓蠡杯大戶傾一船席外語三

槥拍心精傳蓋加分數橫波擲目成華奴歌浙浙媚子

舞卿卿大夫張生好屬詞多妓樂歌者華奴善歌浙浙鹽又有舞者媚子善觥令禁言張生常令綱

紀關設狂為好誰憂飲敗名屠過音隱朱亥樓夢古秦

羸環坐唯便平聲草投盤暫廢觥春郊纔爛熳夕鼓已砰

轟荏苒移灰琯喧闐勸塞兵糟漿間漸足書劒訝無成

抵壁慙虛棄彈珠覺用輕遂籠雲際鶴來狎谷中鶯學

問攻方苦篇章興太清囊疎螢易透錐鈍股多坑

臨也筆

陣戈矛合文房棟桷撐豆萁才敏雋羽獵正崢嶸岐下

尋時別京師觸處行醉眠街北廟閒遶宅南營

予宅在靖安北

街靈之時寓居永樂南街廟中予宅又南隣弩營

柳愛凌寒軟梅憐上番

上聲驚

觀松青黛笠欄藥紫霞英

開元觀古松五株靖安宅壯丹數本皆曩時遊行之地

盡日聽僧講通宵詠月明正耽幽趣樂旋被宦途縈吏

晉資材枉留秦歲序更

時靈之作吏平陽予酬校秘閣自茲分散

我鬢

音

鬢

音伊青黑色

數寸君髮白千莖芸閣懷鉛暇姑峯帶雪晴何

由身倚玉空睹翰飛瓊

渠營切

世道難於劍讒言巧似笙

但憎心可轉不解跼如擎始効神羊觸俄隨旅雁征孤

芳安可駐五鼎幾時烹潦倒沉泥滓歎危踐矯衡登樓

王粲望落帽孟嘉情

龍山落帽臺去府城二十里

巫峽連天水章臺

塞路荆

章華臺去府十里

雨摧漁火焰風引

去聲

竹枝聲分

去聲

作

屯之蹇那知困亦亨官曹三語掾國器萬尋楨

此後多述李君

定交之由用報
靈之兼呈之意
逸傑雄姿迴皇王雅論評蕙依潛可習

雲合定誰令原燎逢冰井鴻流值木瑩智囊推有在勇

爵敢徒爭迅拔看鵬舉高音侍鶴鳴所期人拭目焉肯

自伴盲鈴鈍丁寧淬蕪荒展轉耕窮通須豹變櫻搏笑

狼獾

音能

媿捧芝蘭贈還披肺腑呈此生如未死未擬變

平生

一本云今
日員平生

酬許五康佐

次用
本韻

奮迅君何晚羈離我詎儔鶴籠閒警露鷹縛悶牽鞵

蓬閣深沉省荆門遠慢州課書同吏職旅宦各鄉愁
白日傷心過滄江滿眼流嘶風悲代馬喘月伴吳牛枯涸
方窮轍生涯不繫舟猿啼三峽雨蟬報兩京秋珠玉慙
新贈芝蘭忝舊游他年問狂客須向老農求

送崔侍御之嶺南二十韻

并序

古朋友別皆贈以言况南方物候飲食與北土異其甚
者夷民喜聚蠱祕方云以含金變黑為驗攻之重雄黃
海物多肥腥啖之好嘔泄驗方云備之在鹹食嶺外饒

野菌

音窘

視之蟲蠹者無毒羅浮生異果察其鳥啄者可

餐大抵珠璣璫瑁之所聚貴潔廉湮鬱暑濕之所蒸避
溢愆其餘道途所慎離愴之懷盡之二百言矣敘不復
云

漢法戎施幕秦官郡置監蕭何歸舊印鮑永授新銜幣
聘雖盈篋泥章未破絨蛛懸絲繚繞鵲報語詰誦再礪

神羊角重開憲簡函

崔君前任
已為御史

鞶纓馳赴赴

上聲

綏珮繡

繆繆

音衫

逸翮憐鴻翥離心覺刃劓聯游虧片玉洞照失

明鑒

平聲

遙想車登嶺那無淚滿衫茅蒸連嶙氣衣漬度

梅黥

乙減切痕也聚氣也

象關緣谿竹猿鳴帶雨杉颶風狂浩浩

韶石峻嶄嶄宿浦宜深泊祈龍在至誠瘴江乘早度毒

草莫親芟試盡看銀黑排腥貴食鹹菌須蟲已蠹菓重

鳥先鷗

丘銜切鳥啄也

冰瑩

上聲

懷貪水霜清顧痛巖珠璣當盡

擲薏苡詎能讒荆俗欺王粲吾生問季咸遠書多不達

勤為枉擻擻

思廉切

酬段丞與諸棊流會宿弊居見贈二十四韻

次用

本韻

鳴局寧虛日閒窓任廢時琴書甘盡棄園井詎能窺運
石疑填海爭籌憶坐帷赤心方苦鬪紅燭已先施蛇勢
縈山合鴻聯度嶺遲堂堂排直陣袞袞逼羸師懸刼偏
深猛回征特險巖旁攻百道進死戰萬般為異日玄黃
隊今宵黑白碁斫營看迴點對壘重相持善敗雖稱怯
驕盈最易欺狼牙當必碎虎口禍難移乘勝同三捷扶
顛望一詞希因送目便敢待指蹤竒退引防邊策雄吟

斬將詩眠牀都浪置通夕共忘疲曉雉風傳角寒藂雪
壓枝繁星收玉版殘月耀水池僧請聞鍾粥實催下藥
厄獸炎餘炭在蠟淚短光衰所知切俛仰嗟陳跡殷勤卜
後期公私牽去住車馬各支離分作終身癖兼從是事
隳此中無限興唯怕俗人知

酬竇校書二十韻

次本韻

鷗鷺原相得杯觴每共傳芳遊春爛熳晴望月團圓調
笑風流劇論文屬對全賞花珠並綴看雪壁常連竹寺

荒唯好松齋小更憐潛投孟公轄狂乞莫愁錢塵土拋
書卷槍籌弄酒權令誇齊箭道力鬪抹弓弦但喜添樽
滿誰憂泛桂然漸輕身外役渾證飲中禪及我辭雲陛
逢君仕圃田音徽千里斷魂夢兩情偏足聽猿啼雨深
藏馬腹鞭官醪半清濁夷饌雜腥膻顧影無依倚甘心
守靜專那知暮江上俱會落英前欸曲生平在悲涼歲
序遷鶴方同北渚鴻又過南天麗句慙虛擲沉機嬾強
牽粗酬珍重意工拙定相懸

泛江翫月十二韻

并序

予以元和五年自監察御史貶授江陵士曹掾六月十四日張季友李景儉二侍御王文仲同錄王衆仲判官兩昆季為予載酒炙選聲音自府城之南淮攀月泛舟窮竟一夕予賦詩以紀之

楚塞分形勢羊公壓大邦朋儕多士子參量盡敦龐岳壁間相對荀龍自有雙共將船繫泊況是月臨江遠樹懸金鏡深潭倒玉幢

宅江切

委波添淨練洞照滅凝釭闌

咽沙頭市玲瓏竹岸牕巴童唱巫峽海客話神瀧已困
連飛蓋猶催未倒缸飲荒情爛熳風棹樂崢嶸從勝事他
年盡雄心此夜降知君皆逸韻須為應筵撞

店臥聞幕中諸公徵樂會飲因有戲呈三十韻

獲落因寒甚沉陰與病偕藥囊堆小案書卷

上聲

塞空齋

脹腹看成鼓羸形漸比柴道情憂易適溫瘴氣難排治

虺

時甬切
脛腫也

扶輕杖開門立靜街耳鳴疑暮角眼暗助昏

霾

謨皆切

野竹連荒草平陂接斷崖坐隅甘對鵬當路恐

遭豺蛇蠱迷弓影鵬翎落箭韞

音釵

晚籬喧鬬雀殘菊半

枯菱

音皆

悵望悲回雁依遲傍古槐一生長苦節三省詎

行怪

平聲

奔北翻成勇司南却是罍

苦乖切

穹蒼真漠漠風

雨漫喈喈彼美猶谿女其誰占館娃

音哇

誠知通有日太

極浩無涯布卦求無妄祈天願孔皆藏

去聲

衰謀計拙地

僻往還乖况羨蓮花侶方欣綺席諧鈿車迎妓樂銀翰

屈朋儕白紵顰歌黛同蹄墜舞釵

白紵同蹄皆樂人姓名

織身霞

出海艷臉月臨淮籌筇隨宜放投盤止罰唯

宣皆切大關聲又笑

貌

紅娘留醉打觥使及醒差

舞引紅娘拋打曲名
酒中觥使席上右職

顧我

潛孤憤何人想獨懷夜燈然
榭葉凍雪隋塼堦壞壁虛

缸倚深爐小火埋鼠驕銜筆硯被冷束筋骸畢竟圖斟

酌先須遣癘瘥

音皆瘥
瘥之徒

槍旗如在手

籌筋
色目

那復敢歲

鳥

切褻

音懷不
平也

酬友封話舊敘懷十二韻

依次重
用為韻

風波千里別書信二年稀乍見悲兼喜猶驚是與非身

名判

平聲

作夢盃盞莫相違草館同牀宿沙頭待月歸春

深鄉路遠老去宦情微魏闕何由到荊州且共依人欺
翻省事官冷易藏威但擬馴鷗鳥無因用弩機開張圖
卷軸顛倒醉衫衣蓴菜銀絲嫩鱸魚雪片肥憐君詩似
湧蹋馬筆如飛會遣諸伶唱篇篇入禁闈

送王協律游杭越十韻

去去莫棲棲餘杭接會稽松門天竺寺花洞若耶溪浣
渚逢新豔蘭亭識舊題山經秦帝葬壘辨越王棲江樹
春常早城樓月易低鏡澄湖面滌雲疊海潮齊章甫官

人戴尊絲姹

音妬

女提長干迎客鬧小市隔烟迷紙亂紅

藍壓甌凝碧玉泥荆南無抵物來日為儂携

送東川馬逢侍御使回十韻

風水荆門闊文章蜀地豪眼青賓禮重眉白衆情高思
勇曾吞筆投虛慣用刀詞鋒倚天劒學海駕雲濤南郡
傳紗帳東方讓錦袍旋吟新樂府便續古離騷雪岸猶
封草春江欲滿槽餞筵君置醴隨俗我鋪糟莫歎巴三
峽休驚鬢二毛流年等頭過人世各勞勞

元氏長慶集卷十一

欽定四庫全書

元氏長慶集卷十二

唐 元稹 撰

律詩

酬盧秘書 并序

予自唐歸京之歲 自唐州從事還京 祕書郎盧拱作喜遇白贊

善學士詩二十韻兼以見貽白時酬和先出予草感未暇皇頻有致師之挑故篇末不無憤辭其次用本韻習

然也

偶有衝天氣都無處世才未容榮路穩先蹋禍機開分
去久沉荆掾慙經廝栢臺理推愁易惑鄉思病難裁夜
聲

伴吳牛喘春驚朔雁回北人腸斷送西日眼穿隕唯望
魂歸去那知詔下來涸魚千丈水殭鷺一聲雷幽匣提
青鏡衰顏拂故埃夢雲期紫閣厭雨別黃梅親戚迎時
到班行見處陪文工猶畏忌朝士絕嫌猜新識蓬山傑
深交翰苑材連投珠作貫獨和玉成堆劇敵徒相軋羸

師亦自媒磨礱刮骨刃翻擲委心灰恐被神明哭憂為
造化災私調破葉箭定飲寒旗盃金寶潛砂磔芝蘭似
草萊憑君毫髮鑒莫遣翳莓苔

見人詠韓舍人新律詩因有戲贈

喜聞韓古調兼愛近詩篇玉磬聲聲徹金鈴箇箇圓高
疎明月下細膩早春前花態繁於綺閨情軟似綿輕新
便妓唱凝妙入僧禪欲得人人伏能教面面全延之苦
拘檢摩詰好因緣七字排居敬千詞敵樂天

侍御八兄
能為七言

絕句贊善白君
好作百韻律詩

殷勤問太祝

張君籍

好去老通川

自謂

莫漫

裁章句須饒紫禁仙

奉和權相公行次臨闕驛逢鄭僕射相公歸朝

俄頃分途因以奉贈詩十四韻

帝下赤霄符搜求造化爐中台歸內座太一直南都黃
霸乘輅入王尊叱馭趨萬人東道送六纛北風驅棧閣
纔傾蓋關門已合繻貫魚行邈迤交馬語踟躕去速熊
羆兆來馳虎豹夫昔憐三易地今訝兩分途別路環山

雪離章運寸珠鋒鋌斷犀兕波浪沒蓬壺區宇聲雖動
淮河孽未誅將軍遙策畫師氏密訐謨漢上壇仍築褒
西陣再圖公方先二虜何暇進愚儒

酬樂天東南行詩一百韻

并序

元和十年三月二十五日予司馬通州二十九日與樂
天於鄆東蒲池村別各賦一絕到通州後予又寄一篇
尋而樂天貺予八首予時瘡病將死一見外不復記憶
十三年予以赦當遷簡省書籍得是八篇吟歎方極適

崔果州使至為予致樂天去年十二月二日書書中寄
予百韻至兩韻凡二十四章屬李景信校書自忠州訪
予連牀遞飲之間悲咤使酒不三兩日盡和去年已來
三十二章皆畢李生視草而去四月十三日予手寫為
上下卷去聲仍依次重用本韻亦不知何時得見樂天因

人或寄去通之人莫可與言詩者唯妻淑在旁知狀

其本

卷尋時於峽州面付樂天別本都在唱和卷中此卷唯五言大律詩二首而已

我病方吟越君行已過湖

元和十年閏六月至通州染瘴危重八月間樂天司馬江

州

去應

平聲

緣直道哭不為窮途亞竹寒驚牖空堂夜向

隅暗魂思背燭危夢怯乘桴

此後每聯之內半述巴蜀土風半述江鄉物產

坐

痛筋骸慙旁嗟物候殊雨蒸蟲沸渭浪湧怪睢盱索綆

飄蚊蚋蓬麻甃舳艫短簷苦稻草微俸封

去聲

漁租泥浦

喧撈蛤荒郊險鬪貙

椿俱切

鯨吞近溟漲猿鬧接黔巫芒

屨洄

音囚泳也

牛婦了頭蕩漿夫酢醅荷裹賣醪酒水淋沾

巴民造酒如淋醋法

舞態翻鸚鵡歌詞咽鷓鴣夷音啼似笑蠻語

謎

去聲

相呼江郭船添店山城木豎郭吠聲沙市犬爭食

墓林烏獷俗誠堪憚妖神甚可虞欲令仁漸及已被瘧

潛圖膳減思調鼎行稀恐蠹樞雜尊多剖鱗和黍半蒸

菰綠糲新菱實金丸小木奴巴橘酸澁大如彈丸芋羹真暫淡醺

音留食炙之夜漫塗蘇魚鼈那勝音烹鮓音只似鱸

通州俗以楚風輕似蜀巴地濕如吳氣濁星難見州斜

日易晡通宵但雲霧未西卽桑榆此後並言瘴窟蛇休

蟄炎溪暑不徂俛魂陰叫嘯鵬貌晝踟躕鄉里家藏蠱

官曹世乏儒斂緡偷印信傳箭作符繻推髻拋巾幘鐘

音

刀代轆轤當心鞘

胡犬切

銅鼓背弋

必罵切

射桑弧

巴民盡射

木弓仍於
弓左安箭

豈復民忙料須將鳥獸驅是非渾並漆詞訟

敢研朱陋室鴉窺伺衰形蟒覬覦鬚毛霜點合襟淚血

痕濡倍憶京華伴偏忘我爾軀

此後並言與樂天
同科共遊處等事

謫居

今共遠榮路昔同趨科試銓衡局衙參典校厨

書判同
年校正

同省月中分桂樹天上識昌蒲應召逢鴻澤陪游值賜脯

心唯撞衛磬耳不亂齊竽

此後並言同
應制時事

海岱詞鋒截皇

王筆陣毆疾奔凌腰褭高唱軌吳歛點檢張儀舌提携

傳說圖擺囊看利穎開領出明珠並取千人特皆非十
上徒白麻雲色膩墨詔電光粗衆口貪歸美何顏敢妬
姝秦臺納紅旭艷匣洗黃壚諫獵寧規避彈豪詎囁
肺肝憎巧曲蹊徑絕縈迂誓遣朝綱振忠饒翰苑輸

元和

四年為監察御史
樂天為翰林學士

驥調方汗血蠅點忽成盧遂謫栖遑

掾還飛送別孟痛嗟親愛隔顛望友朋扶羸病翻隨鼠
驄羸返作駒物情良徇俗時論太誣吾瓶罄壘偏恥松
摧栢自枯虎雖遭陷穽龍不怕泥塗

此已上並述五年
貶掾江陵樂天亦

遭罹
謗錄

重喜登賢苑方欣佐伍符

九年樂天除太子贊善予從事唐州也

判

身入矛戟輕敵比鎗銖駟騎來千里天書下九衢因教

罷飛檄便許到皇都

十年春自唐州詔予召入京

舟敗罌浮漢驂疲

杖過邗郵亭一蕭索烽堠各崎嶇餽人推輅誰何吏

執父拔家逃力役連鑣責

音債

逋誅防戍兄兼弟收田婦

與姑縑紉工女竭青紫使臣紆望國參雲樹歸家滿地

蕪破窻塵墜墜

音字塵起也

幽院鳥鳴鳴

此已下並言靖安里無人居觸目荒

涼
祖竹叢新筍孫枝壓舊梧晚花狂蛺蝶殘帶宿茱萸

始悟摧林秀因銜避繳蘆文房長遣閉經肆未曾鋪鵝
鷺方求侶鷓鴣已嚇雛徵還何鄭重斥去亦須臾迢遞
投遐徼蒼黃出輿區通川誠有咎湓口定無辜

三月禎
之通州

八月樂天
之江州

利器從頭匣剛腸到底剗薰蕕任盛貯梯稗

莫超踰公幹經時臥鍾儀幾歲拘光陰流似水蒸瘴熱
於鑪薄命知然也深交有矣夫救焚期骨肉投分刻肌

膚

本題云寄澧州李十舍人果州崔二十二員外開州
韋大員外通州元九侍御庾三十三補闕杜十四拾

遺李二十助教竇七校
書兼投吊席八舍人

二妙馳軒陛三英詠袴襦

庾三
十三

杜二十四並居北省李十一
崔二十二韋大各典方州

李多嘲蠅蜨竇數

入集 蜨

蛛

李二十雅善歌詩固多詠物之作
竇七頻改官銜屢有蜘蛛之喜

數子皆奇貨唯予

獨朽株邯鄲笑匍匐燕薊受揶揄
學三閭憤甘齊百

里愚耽眠稀醒素憑醉少嗟吁
學問徒為爾書題盡已

于別猶多夢寐情尚感凋枯
近喜司戎健尋傷掌誥徂

今日得樂天書
六年間席八歿

士元名位屈伯道子孫無舊好
飛瓊翰

新詩灌玉壺幾催閒處泣
終作苦中娛廉蔭聲相讓燕

秦勢豈俱此篇應絕倒
休漫捋髭鬚

樂天戲題篇末云
此篇擬打足下寄

容州詩故

有戲譽

和樂天送客游嶺南二十韻

次用本韻

我自離鄉久君那度嶺頻一杯魂慘澹萬里路艱辛江
館連沙市瀧船泊水濱騎田迴北顧銅柱指南鄰大壑

浮三島周天過五均波心踴樓閣規外布星辰

交廣間南極浸

高北極凌低圓規度外星辰至衆
大如五曜者數十皆不在星經

狒狒

父狒切說
文作𧆇

穿筒

格猩猩置屐馴

郭璞云鶯鶯交廣山谷間有之南人俗
法嘗用竹筒穿臂以受之狒狒執臂輒

笑笑則脣蔽兩目人因自筒中出手以釘釘之於樹猩猩
嗜酒好屐南人嘗以美酒置於其所且排十數屐

狸見之驟相謂曰吾既就擒矣然而漸飲至醉醉則穿破屐而行既不能去相與泣而見獲故吳都賦曰狸狸啼而就擒鬻鬻笑

貢鯁蛟女絹俗重語兒巾

南方去京華絕遠冠

而被格蓋為此

晃不到唯海路稍通吳中商肆多榜云此有語兒巾子

舶主腰藏寶

南方呼波斯爲舶主胡人

異寶多自懷藏以避強丐

黃家砦

音柴之去聲南夷之區落

起塵歌鍾排象背炊

爨上魚身

夷民大陳設則巨象背上作樂大魚出浮身若洲島海人泊舟於旁因而炊爨其魚不

之覺電白雷山接旗紅賊艦新島夷徐市種廟現趙佗神

鳶跼方知瘴蛇蘇不待春曙潮雲斬夜海火燐燐

海水

夜擊之則盡如火蓋陰火潛然之謂也

冠冕中華客梯航異域臣果然

猿屬

皮勝錦吉了

鳥名

舌如人風點

音戲

秋茅葉烟埋曉月輪定

應玄髮變焉用翠毛珍句漏沙須買貪泉貨莫親能傳

稚川術何患隱之貧

獻滎陽公詩五十韻

并序

啟今月十七日公會儒于便廡稹亦謬容末席公出棠
樹之首章且識其目曰客有前進士韋張在宋來會學
由我而下聯為五言以美之諸生怙怙竦竦各盡詞以
獻公公則舉其摧敵推案析理次至數聯應若前定諸

儒有不安者隨為刮削變模為妍不廢暮而珠貫成就
瑕不可掩者植六聯耳退而自咎且盛公之所為因而
次用所聯翩翹賢等五十一字合為一詩止詠公之詞業
力翰洎生徒學校之事而已也其於勲位崇懿在國籍
族地清甲編世家政事德美播謳謠儉仁慈愛被親戚
非小儒造次之所盡大凡受褊狹者不可以語大持杯
捲而承澍雨自滿而止又安能測其霽霈之所至哉惶
恐無任俯伏待罪謹以啓陳不宣謹啟



鄭驛騎翩翩丘門子弟賢文翁開學日正禮騁途年

張秀

才正驀榮陽公
首薦登第也

駿骨黃金買英髦絳帳延趨風皆蹠足

侍坐各差肩解榻招徐穉登樓引仲宣鳳攢題字扇魚

落講經筵盛氣河包濟貞姿嶽柱天臯夔當五百鄒魯

重三千科斗翻騰取關雎教授先

榮陽公寮吏生
徒受詩有百數

篆垂

朝露滴詩綴夜珠聯逸禮多心匠焚書舊口傳陳遵修

尺牘阮瑀讓飛牋中的顏初啟抽毫踵未旋森羅萬木

合屬對百花全詞海跳波湧文星拂坐懸戴馮遙避席

祖述後施鞭西蜀凌雲賦東陽詠月篇勁艾鼈足斷精
貫虱心穿浩汗神彌王颿颿興欲仙冰壺通皓雪綺樹
眇晴烟驅駕雷霆走鋪陳錦繡鮮清機登突

於弔反

與流

韻溢山川墨客膺潛服談賓膝誤前張鱗定推敗折角
反矜憐句句推瓊玉聲聲播管絃纖新掠造化瀕洞幹
陶甄衛磬琤鉤極齊竽僭濫偏空虛慙炙輶點竄許懷
鉛慙色秋來草哀吟雨後蟬自傷魂慘沮何暇思幽玄

積病瘧二年求醫在此
榮陽公不忍歸之瘴鄉

喜到樽罍側愁親几案邊菁華

知竭矣肺腑尚求旃抵滯渾成醉徘徊轉慕臙老歎

他

切

才漸少閒苦病相煎瓦礫難追琢芻蕘分棄捐漫勞

成懇懇那得美娟娟拙劣仍非速迂愚且異專移時停

筆硯揮景乏戈鋌儀舌忻猶在舒帷誓不寒會將連獻

楚深恥謬游燕蒲有臨書葉韋充讀易編沙須披見寶

經擬帶耕田入霧長期閏持朱本望研輪轅呈曲直鑿

枘取方圓呼吸寧徒爾霑濡豈浪然過簫資響亮隨水

漲淪漣惜日看圭短偷光恨壁堅勤勤彫朽木細細導

蒙泉傳癖今應甚頭風昨已痊丹青公舊物一為變虫
妍

元氏長慶集卷十二

欽定四庫全書

元氏長慶集卷十三

唐 元稹 撰

律詩

酬樂天江樓夜吟詩因成三十韻

次用
本韻

忽見君新句君吟我舊篇見當巴徼外吟在楚江前思
鄙寧通律聲清遂扣玄三都時覺重一顧世稱妍排韻
曾遙答分題幾共聯昔憑銀翰寫今賴玉音宣布鼓隨

椎響坏泥仰匠圓鈴因風斷續珠與調牽綿阮籍驚長
嘯商陵怨別絃猿羞啼月峽鶴讓警秋天志士潛興感
高僧暫廢禪興飄滄海動氣合碧雲連點綴工微者吹
噓勢特然休文徒倚檻彥伯浪迴船妓樂當筵唱兒童
滿巷傳改張思婦錦騰躍賈人賤魏拙虛教出曹風敢
望痊定遭才子笑恐賺學生癡裁什情何厚飛書信不
專隼猜鴻蓄縮虎橫犬迤邐水墨看雖久瓊瑤喜尚全
纔從魚裏得便向市頭懸夜置堂東序朝鋪座右邊手

尋韋欲絕淚滴紙渾穿甘蔗銷殘醉醞醒早眠深藏
那遽滅同詠苦無緣雅羨詩能聖終嗟藥未仙五千誠
遠道四十已中年時公年四十一暗魄多相夢衰容每自憐卒
章還慟哭蚊蚋溢山川

酬樂天待漏入閣見贈

時樂天為中書舍人予在翰林學士

未勘銀臺契先排浴殿關沃心因特召丞旨絕常班丞

學士在諸學士上

颺閃才人袖

思政對學士往
往宮官傳詔

嘔鵝軟舉鏤宮

花低作帳雲從

去聲

積成山密視樞機草偷瞻咫尺顏恩

垂天語近對久漏聲閒丹陛曾同立金鑾恨獨攀筆無
鴻業潤袍覬紫文殷烏間切河水通天上瀛洲接世間謫
仙名籍在何不重來還

酬樂天早春閒游西湖頗多野趣恨不得與微
之同賞因思在越官重事殷鏡湖之遊或恐未
暇因成十八韻見寄樂天前篇到時適會予亦
宴鏡湖南亭因述目前所睹以成酬荅末章亦
示暇誠則勢使之然亦欲粗為恬養之贈耳

浙東

時作

雁思

去聲

欲迴賓風聲乍變新各攜紅粉妓俱伴紫垣人

水面波疑縠山腰虹

音降

似巾柳條黃大帶茭葑

茭葑草根

綠

文茵雪盡纔通屐汀寒未有蘋向陽偏曬羽依岸小游

鱗浦嶼崎嶇到林園次第巡墨池憐嗜學丹井羨登真

逸少墨池推川丹

井皆越中異跡

雅歎游方盛聊非意所親白頭辭北

闕滄海是東隣問俗煩江界蒐畋想渭津故交音訊少

歸夢往來頻獨喜同門舊皆為列郡臣三刀連地軸一

葦礙車輪尚阻青天霧空瞻白玉塵龍因雕字識犬為
送書馴勝事無窮境流年有限身嬾將閒氣力爭鬪野
塘春

江邊四十韻

官為修宅卒然有作因招李
六侍御○此後並江陵時作

官借江邊宅天生地勢坳歌危饒壞構迢遞接長郊怪
鵬頻棲息跳蛙頗溷殺總無籬繳繞尤怕虎咆哮停潦
魚招獺空倉鼠敵猫土虛煩穴蟻柱朽畏藏蛟蛇虺吞
簷雀豺狼逐野麋犬驚狂浩浩雞亂響嘒嘒落貧甘

守荒涼穢盡包斷簾飛熠燿當戶網蠨蛸曲突翻成沼
行廊却代庖橋橫老顛枿馬病衰芻茭一一牀頭點連
連砌下泡辱泥疑在絳避雨想經嶠相顧憂為豔誰能
復繫匏誓心來利往卜食過安爻何計逃昏墊移文報
舊交棟梁存伐木苦益愧分茅金琯排黃荻琅玕裹翠
梢花塼水面鬪鴛瓦玉聲敲方礎荆山採修椽重玄切郢
匠鉋音匏隱椎雷震蟄破竹箭鳴骹音敲正寢初停午頻
眠欲轉胞困圓收薄祿厨敝備嘉肴各各人寧字雙雙

燕賀巢高門受車轍華殿稱蒲梢尺寸皆隨用毫釐敢
浪拋筏餘籠白鶴枝賸音孕架青鷄製榻容筐篚施闕拒

斗筲欄干防汲井密室待持膠庭草傭工薙園蔬稚子

培本圖閒種植那要擇肥磽綠柚勤勤數紅榴箇箇抄

池清漉螃螬爪蠹拾蝦蜚曬篆看沙鳥磨刀綻海蛟羅

灰修藥竈築塚閔弓殍散誕都由習童蒙刺懶教平聲最

便陶靜飲還作解愁嘲近浦聞歸楫遙城罷曉鏡王孫

如有問須為併揮鞘

春六十韻

節應寒灰下春生返照中未能消積雪已漸少回風迎
氣邦經重齋誠帝念隆龍驤紫宸北天壓翠壇東仙仗
搖佳彩榮光答聖衷便從威仰座隨入大羅宮先到璇
淵底偷穿璚瑁櫳音館娃朝鏡晚太液曉冰融音撩摘芳

情遍搜求好處終九霄渾可可萬姓尚忡忡晝漏頻加
箭宵暉欲半弓驅令三殿出乞與百蠻同直自方壺島
斜臨絕漠戎南巡曖珠樹西轉麗崆峒度嶺梅甘圻潛

泉脉暗洪悠悠鋪塞草冉冉着江楓蠶役投筐妾耘催
荷篠翁旣蒸難發地仍送嬾歸鴻約畧環區宇殷勤綺
鎬鄴華山青黛撲渭水碧沙蒙宿露清餘霽晴烟塞迴
空燕巢纔點綴鶯舌最惺惚膩粉梨園白臘脂桃徑紅
鬱金垂嫩柳晉鳥感切畫委高籠地甲門闌大天開禁掖

崇層臺張舞鳳閣道架飛虹翅蘂調神化鵲鸞竭至忠
歌聲齊錫宴車服獎庸功俊造興時用閭閻賀歲豐倡
樓歌細細農野麥芄芄貴主驕矜盛豪家恃賴雄偏霑

打毬彩頻得鑄錢銅專殺擒楊若殊恩赦鄧通女孫新
在內嬰稚近封公游衍關心樂詩書對面聾盤筵饒異
味音樂斥庸工酒愛油衣淺盃誇瑪瑙烘挑鬟玉釵髻
刺繡寶裝攏啟齒呈編貝彈絲動削葱醉圓雙媚靨波
溢兩明瞳但賞歡無極那知恨亦充洞房間窈窕庭院
獨葱蘢謝砌縈殘絮班牕網曙蟲望夫身化石為伯首
如蓬顧我沉憂士騎他老病驄靜街乘曠蕩初日接瞳
矓飲敗肺常渴魂驚耳更聰虛逢好陽艷其那苦昏憒

僂俛還移步持疑又省躬慵將疲頽質漫走倦羸僮季
月行當暮良辰坐歎窮晉悲焚介子魯願浴沂童燧改
鮮妍火陰繁晦澹桐瑞雲低厔厔遇合切香雨潤濛濛藥
漑分窠數籬栽備幼冲種莎憐見葉護筍冀成筒有夢
多為蝶因蒐定作熊漂沉隨壤芥榮茂委蒼穹震動風
千變晴和鶴一冲丁寧寒芳侶須識未開叢

月三十韻

萸葉標新朔霜豪引細輝白眉驚半隱虹勢訝全微涼

魄潭空洞虛弓雁畏威上弦何汲汲佳色轉依依綺幕

殘燈斂粧樓破鏡飛玲瓏穿竹樹岑寂思

上聲

幙幙坐愛

規將合行看望已幾絳河冰鑑朗黃道玉輪巍迴照偏

瓊砌餘光借粉闌泛池相皎潔壓桂共芳菲的的當歌

扇娟娟透舞衣殷勤入懷什慙欸隋雲圻素液傳烘盞

鳴琴薦碧微椒房深肅肅蘭路靄霏霏翡翠通簾影琉

璃瑩殿扉西園筵瑋瑋東壁射蜘蛛

音伊威鼠婦別名

老將占

天陣幽人釣石磯荷鋤元亮息迴棹子猷歸迢遞同千

里孤高淨九圍從星作風雨配日麗旌旗麟鬪寧徒設
蠅聲豈浪譏司存委卿士新拜出郊畿今古雖云極虧
盈不易違珠胎方夜滿清露忍朝晞漸減嫦娥面徐收
楚練機卞疑雕壁碎潘感竟牀稀捐篋辭班女潛波蔽
宓妃氛埃誰定滅蟾兔杳難希須遣圓明盡良嗟造化
非如能付刀尺別為創瘠璣

飲致用神麴酒三十韻

七月調神麴三春釀綠醅

音靈

雕鐫荆玉盞烘透內丘瓶

試滴盤心露疑添
案上螢滿尊凝止
水祝地落繁星翻
陋瓊漿濁唯聞石
髓馨冰壺通角簾
金鏡徹雲屏雪暎
烟光薄霜涵霽色
冷蚌珠懸皎晶桂
魄倒嚵溟晝灑蟬
將飲宵暉鶴誤矚
琉璃驚太白鍾乳
訝微青詎敢辭濡
首并憐可鑒形行
當遣俗累便得造
禪局

洵熒切

何憚說

千日甘從過百齡
但令長泛蟻無復
恨漂萍膽壯還增
氣機忘反自冥甕
眠思畢卓糟籍憶
劉伶髣髴中聖日
希夷夾大庭眼前
須底物座右任他
銘刮骨都無痛如

泥未擬停殘觴猶漠漠華燭已熒熒真性臨時見狂歌
半睡聽喧闐爭意氣調笑娉婷酩酊焉知極羈離忽
暫寧雞聲催欲曙蟾影照初醒咽絕鶻啼竹蕭撩雁去
汀遙城傳漏箭鄉寺響風鈴楚澤一為梗竟階屢變莫
醉荒非獨此愁夢幾曾經每恥窮途哭今那客淚零感
君澄醴酒不遣渭和涇

感石榴二十韻

何年安石國萬里貢榴花迢遞河源道因依漢使槎酸

辛犯葱嶺憔悴涉龍沙初到標珍木多來比亂麻深拋
故園裏少種貴人家唯我荊州見憐君胡地賒從教當
路長

上聲

魚恣入簷斜綠葉栽烟翠紅英動日華新簾裙

透影疎牖燭籠紗委作金爐焰飄成玉砌瑕乍驚珠綴
密終誤繡幃奢琥珀烘梳碎燕支嬾頰塗風翻一樹火
電轉五雲車絳帳迎宵日芙蓉綻早牙淺深俱隱映前
後各分葩宿露低蓮臉朝光借綺霞暗虹徒繳繞濯錦
莫周遮俗態能嫌舊芳姿尚可嘉非專愛顏色同恨阻

幽遐滿眼思鄉淚相嗟亦自嗟

度門寺

北祖三禪地

神秀禪師造

西山萬樹松門臨溪一帶橋映竹

千重剪鑿基階正包藏景氣濃諸巖分院宇雙嶺抱垣

墉舍利開層塔香爐占小峯道場居士置經藏大師封

太子知栽植神王守要衝由旬排講座丈六寫真容佛

語迦陵說僧行猛虎從修羅擡日拒樓至拔霜鋒畫井

垂枯朽穿池救噉

疑檢切噉喝魚出水貌

喁蕉非難敗壞僅喻暫

丰茸寶界留遺事金棺滅去蹤鉢傳烘瑪瑙石長翠芙蓉影帳紗全落繩牀土半壅

金棺已下並寺中所有

荒林迷醉象

危壁亞盤龍行色憐初月歸程待曉鐘心源雖了了塵世苦憧憧宿蔭高聲識齋糧併力春他生再來此還願總相逢

大雲寺二十韻

地勝宜臺殿山晴離垢氛現身千佛國護世四王軍碧耀高樓瓦頰

丑成切

飛半壁文鶴林縈古道雁塔沒歸雲

幡影中天颺鐘聲下界聞攀蘿極峯頂游目到江濱馴
鴿閒依綴調猿靜守羣虎行風捷獵龍睡氣氛氲穫稻
禪衣卷燒畬却火焚新英蜂采掇荒草象耕耘鉢付靈
童洗香教善女薰果枝低晉晉鳥感切花雨澤雰雰示化
維摩疾降魔力士勲聽經神變見說偈鳥紛紜上境光
猶在深谿暗不分竹籠烟欲暝松帶日餘曛真諦成知
別迷心尚有云多生沉五蘊宿習樂三墳諭鹿車雖設
如蠶緒正焚且將平等義還奉聖明君

和友封題開善寺十韻

依次重
用本韻

梁王開佛廟雲構歲時遙珠綴飛間鵲紅泥落碎椒燈
籠青焰短香印白灰銷古匣收遺施行廊畫本朝藏經
霑雨爛魔女捧花嬌亞樹牽藤閣橫查壓石橋竹荒
新筍細池淺小魚跳匠正琉璃瓦僧鋤芍藥苗旋蒸茶
嫩葉偏把柳長條便欲忘歸路方知隱易招

元氏長慶集卷十三